

282

midiam durante cum subsecuto calore vehementi,
cephalalgia, siti magna atque sudore invadebatur.

Die 15ta. Bene dormivit. De cephalalgia,
lassitudine ac dedolatione artuum queitus, hora
2da pomeridiana horripilatione infestatus est in
sudorem transeunte.

Die 16ta. Nox inquieta; somnus tuffi sicca
turbatus; paroxysmus febrilis non rediit, nec
ulla sese Febris vestigia manifestarunt. Ordina-
tio eadem.

Die 17ma. Nox bona. Aeger excepta re-
spiratione difficii ac lassitudine corporis bene
sese habuit. Circa horam 3tiam pomeridianam
horror vehemens horam fere perdurans ingruit,
ac magnus dein calor cum sudore largo paroxys-
sum terminavit. Eadem medicamina.

Die 18va. Prostrationem virium majorem,
pectorisque affectiones auctas æger incusavit.
Hora 3tia pomeridiana paroxysmus, sed non eadem,
qua heri, rediit vehementia. Continuetur in
omnibus.

Die 19na. Nox quieta, Hora 7ma matutina
frigus per dimidiā horam durans accessit, sub-
sequenti calore ac sudore multo terminatum.
Cephalalgia, corporis lassitudo. Tempore pome-
ridiano paroxysmus nullus. Hesterūa medicamina.

Die 20ma. Nox bona ægro, nisi de pectoris
oppressione non conuesto. Hora 3tia pomeri-
diana paroxysmus horam integrum perdurans.

Die 21. Hora 7ma matutina frigus ingens
ægrum invasit; secutus calor et sudor largus,
quem per totum corpus diffusum adhuc hora 9na
invenimus. Cernentes igitur febrem intermit-
tem tertianam duplicatam, ordinavimus: